

# Wozjewjenja na njedźeli Chrysta Krala (22.11.2020)

1. Swjedźenski nyšpor je džensa w 14.00 hodź. Wšitcy wěriwi su wutrobnje přeprošeni.
2. Wosadny da ćežko choreho duchowneho Njeswačanskej maćeri Božej a zbóžnemu kapłanej Alojsej lubić a prosy wěriwych wo zastupny paćer. (Modlitwa čo.: 3/16, str.: 41; „Wótče naš“ a „Strowa sy, Marija“)
3. Boža mša kotraž so w interneće na You Tube přenjese je džensa z Chróscic. Link za scěhownje Božej mše je:  
<https://youtu.be/F8R4bNWreLk>
4. Džensa woli so we wosadze nowa wosadna rada a wosadne předstejićerstwo. Wosadne předstejićerstwo smědža wolić wšitcy wosadni wot 16 lět. Wosadnu radu smědža wolić wšitcy wosadni wot 14 lět. **Dla koronapandemije wobsteji jeničce možnosć listowych wólbow.** K tomu su zady we wěži wupołożene hłosowanskej lisćinje a tři wšelake listowe wobalki. Prosimy Was, sej tute wzać, wolić a wotedać.
5. **Listowe wólby wobsahuja scěhowaće podložki**
  - žolty hłosowanski lisćik za wólby wosadneje rady
  - žolta wólbna wobalka
  - módry hłosowanski lisćik za wólby do wosadneho předstejićerstwa
  - módra wólbna wobalka
  - čerwjena wjetša wólbna listowa wobalka
6. **Wotběh listowych wólbow:**
  1. Wobaj hłosowanskej lisćikaj prosimy wosobinsce nakřižować.
  2. **Žolty hłosowanski lisćik** za wosadnu radu - ničo druhe - prošu do **žolteje wobalki** tyknyć, začinić a ničo napisać.
  3. **Módry hłosowanski lisćik** za wosadne předstejićerstwo - ničo druhe - prošu do **módreje wobalki** tyknyć, začinić a ničo napisać.
  4. Na čerwjenej wobalce **swójske mjeno, předmjeno a adresu** napisać.
  5. **Žoltu a módrú wobalku (bjez mjena a adresy!)** do čerwjeneje (z mjenom a adresu!) **tyknyć** a čerwjenu wobalku začinić. Chceće-li waš hłos jenož za jedyn gremij wotedać, položće jenož tu jednu wotpowědnú wobalku do čerwjeneje wobalki.
  6. Čerwjenu wobalku prosimy džensa po kemšach abo po nyšporje wotedać.
7. Firmujomni njech sej prošu CD-ku z wobrazami za 10,-- € w sakristiji wotewzaja. Za kóždu swójbu je jedna CD-ka přihotowana.
8. W tutym tydženju su domawobstaranja: Póndźelu dopołdnja w Kamjenej, Boranecach, Lutobču a Měrkowje. Srjedu dopołdnja we Wulkej Dubrawje, w Komorowje, Zdžěri a Brěmjenju. Srjedu popołdnju w Małej Dubrawje, Chwaćicach a Nowych Boranecach. Štwórtk dopołdnja w Chelnje, Čornym Hodlerju a Radworju. Pjatk dopołdnja w Radworju.
9. Štóž je zwólniwy lětsa Boži džěscowy štom do cyrkwy darić, njech so prošu ze zwónkom dorěči.

10. W tutym tydzenju njeje hišće žana přenjowoprawjenska wučba.
11. Po zwučenym wašnju přeprašamy tež lětsa zaso wšitke swójby z džěćimi a druhich zajimcow na žiwy adwentny kalender. Přenje wokno wotewri so na předwječoru 1. adwenta, sobotu 28.11. w Zdžěri. Zetkamy so we 18.00 hodž. w cyrkwi.
12. Dekanatne dušepastyrstwo za džěći we Worklecach poskići lětsa adwentny kalender za džěći. Wšědnje dóstanu wone z póštu adwentne woknješko připóslane. Protýčka je w třoch wariantach za pěstowarske džěći kaž tež za šulerjow 1. do 4. lět nika a 5. do 8. lětnika přihotowana. Zajimcy njech so pro šu hač do srjedy, 25. nowembra, přez link, kiž je pod [www.posol.de](http://www.posol.de) podaty, přizjewja. Nadrobniše informacije dóstanu woni we Wor klecach, telefonowe čisło (03 57 96) 8 87 07, mailowa adresa: [worklecy-kise@gmx.de](mailto:worklecy-kise@gmx.de).
13. Wšitcy młodostni su sobotu w 19.00 hodž. přeprašeni na zhromadnu komplet do farskeje cyrkweje.
14. Našich senijorow a wšitkich, kotřiž njeplaća cyrkwinski dawek, prosymy tež lětsa zaso wo jich dobrowólny cyrkwinski pjenjenz, kotryž wostanje we wosadze a je wažna pomoc za džělo wosady. Přepokazajće jón prošu abo zapłaćće jón přiležnje pola knjeni Brankačcyneje.
15. Prosymy wšitkich, kotřiž maja rowy na našimaj kěrchowomaj w Radworju a Zdžěri, zo bychu swój lětuši přinošk za wudžerženje kěrchowa přepokazali.
16. Wotpowědne konta našeje wosady su na internetnej stronje wozjewjene.
17. W januaru 2021 je naša wosada z "Nabožnym słowom k dnjej" w Serbskim rozhlósu na rjedze. Zwólniwi njech so prošu pola knjeza Bosćija Ješki přizjewja.
18. W cyrkwi su wupožowane lisćiny, na kotrychž móžeće sej wottorhansku protyku z nakładnistwa swj. Bena hač do njedzele 29. nowembera skazać.
19. **We wšitkich cyrkwjach a kapalkach biskopstwa plaći winowatosć nosyć nahubnik. Prosymy kemšerjow a wopytowarjow higieniske přikazy biskopstwa a hamtow (wotstawk 1,5 m, desinfekciju rukow, mała a mjelčišo spěwać) dodžeržeć. Wšitcy kemšerjo maja swoje kontaktne daty na wupožowane kartki zapisać a do tyzkow při zachodze položiť! Přinjesće sebi w přichodze prošu stajnje něšto k pisanju sobu do cyrkweje. [link](#)**
20. Póndzelu, 16.11. bě chowanje + Therese Reuter z Chwaćic. Za nju spěwamy džensa na Božej mši 10.30 hodž. kěrluš. **R.i.p.**
21. Srjedu, 18.11. zemře w starobje 71 lět knjez Hartmut Israel z Budyšina. Zhromadny różowc modli so wutoru we 8.30 hodž. tachantskej cyrkwi w Budyšinje, w 9.00 hodž. přizamkne so rekwijem. W 10.30 hodž. budže chowanje na Budyskim Marijinym kěrchowje. **R.i.p.**
22. Pjatk, 20.11. zemře w starobje 84 lět knjeni Marja Šćapanowa, rodžena Ćemjerec, z Radworja. Pusty wječor je póndzelu wot 15.00 do 18.00 hodž. w farskej cyrkwi. Po tym móže so kóždy wosobinsce wot zemřeteje w Křižnej cyrkwi rozžohnować. Chowanje a rekwijem budžetej wutoru w 15.30 hodž. w Radworju. **R.i.p.**

Radworske

Wam pomhaja!

helfen euch!

## Corona Einkaufshilfe

0173/2428474



wot 10 do 14 hodź docpějomi  
von 10 bis 14 Uhr erreichbar

Wir  
kaufen  
für Sie  
ein!

My za Was  
nakupujemy!



Lieferung nach Hause

Skazanka hač před durje!